

Supervizor za Brčko preduzima mjere protiv neprikladnog političkog uticaja u procedurama za zapošljavanje javnih službenika

Supervizor za Brčko, Susan Johnson, je danas izdala Nalog supervizora kojim uvodi mjere protiv korupcije i političkog uticaja u procesu odabira stručnih javnih službenika.

Postupak odabira šest šefova poddjela u Upravi Brčko Distrikta je otkrio niz nepravilnosti pri zapošljavanju javnih službenika. Vlada Distrikta njeguje kulturu u kojoj se vrši korumpiran politički uticaj na odabir javnih službenika. Predsjednik Odbora za zapošljavanje je dozvolio da Odbor podlegne političkim uticajima, a gradonačelnik Brčko Distrikta nije preduzeo mjere da to spriječi.

Posljednji primjer u tom nizu je taj kada je ime kandidata koji je propisno izabran od strane komisije koja je obavljala razgovore sa kandidatima, naknadno zamijenjeno imenom drugog kandidata tako što je nepropisno izmijenjena odluka Odbora za zapošljavanje, poslije neprimjerenog uticaja viših članova Vlade i i Skupštine.

Zbog toga je supervizor imenovala šefove šest poddjela u Vladi Distrikta u svjetlu neprimjerenog i zakasnjelog postupka njihovog odabira.

Supervizor Johnson je takođe naložila da se svi zvaničnici Vlade Distrikta moraju savjesno pridržavati zakona. Svako postupanje koje nije u skladu sa tim može zahtjevati momentalno i trajno razrješenje sa funkcija u Vladi.

Do usvajanja novog zakona koji će regulisati zapošljavanje javnih službenika, svaka odluka kojom se zapošljava bilo koji javni službenik u bilo kom svojstvu, a koju donese Vlada Distrikta ili bilo koji pojedinac, mora imati prethodnu saglasnost supervizora u pisanoj formi, ili će biti ništava. Takođe, neće se više objavljivati konkursi bez pisane saglasnosti supervizora.